



薊丘集卷之八

薊丘王嘉謨伯俞 著

門人關中盛以弘子寬

友人濱州王文運子相

弟 嘉詔奉孺校

五言古詩四十七首

擬古詩十九首有序

擬詩非古也道無常從之而自有得焉發  
乎情止乎禮義循乎古是益美也使古人

而有知且曰是吾心也後之君子亡其標  
本景響是尋倒亂之不暇併其言而取之  
而猶云擬也掠美不及竊獻笑不及俳使  
古人而有知且曰夫夫何至是也僕不揆  
鄙陋謬有比擬其辭誠無足觀然感于情  
循于古以求庶幾于禮義則有志焉于以  
暘彼已之趣存什一之遺譬之芳草即繁  
其枝亦有其類矣比于古人則吾豈敢夫  
言有貴于枯朽亦有重于丘山好尚之難

固未可量也是在君子辨之云爾

別離從此遠言念平生心縈亂不自知俯仰涕  
霑襟翩翩鳥呼風肅肅霜露侵倏忽形影間邈  
若商與參願言折芳草佇立感良時決別苦無  
常嘉會安可期蒼蔚滿崇山誰能不蔽虧往日  
何足陳鬱陶多所思願君事明德努力無復疑

其二

青青河畔草零露搏中道妾本倡家女託體從  
君老遲遲春日長淒淒秋露早空牀難索思紅

顏不自保黃鳥日睨睨好音感中抱重嗟蕩子  
婦心傷怒如擣

其三

青青陵上栢磊磊澗中石相逢不為樂憂歎復  
何益駕言遠行遊泛泛伊與洛朱芾沃如濡檀  
車何薄薄宮觀鬱相望高門併懸簿黃金與琳  
璫緣波忽襟錯岩岩入青雲歲蒐勢如削巧妙  
絕人工言是公輸作滌蕩自忘憂日夕堪娛樂  
安肯煩寃思徒為守寂寞

其四

人生緬無常嫵婉思良辰歡好在今昔故舊情  
自親當筵出美女巧笑自逸塵願効耳目歡竒  
麗感心神絃吹有餘哀蓄意邈難申俱當思宿  
好愉樂莫辭頻黽勉及良時頭步登要津會當  
愜心志忼慨何足陳

其五

高樓一何綺榱桷渥如丹青槐映重階琳琅綴  
䟽簷中有愁思婦絃歌日夜歎餘響隨回風移

柱不時安千載哀遺音耳目何獨難委折拂清  
商啼煩有萬端寓意以告哀抽軫再三彈寄言  
雙鴻鵠奮飛何漫漫

其六

江上日云暮獨自采芙蓉四顧道路長盈眇忘  
所從馨香不可把煩憂填心胷亮非金石固蕉  
萃詎為容

其七

拳拳明月光照我庭中樹百卉多焜黃秋序遊

安住嚴霜日夜零曠野冰將涸衾枕無宿懽憂  
思念中路憶昔同心友纏綿共朝暮眇眇中澤  
衣馨香不如故富貴易為歡相憐多疾苦曲木  
無直音夙行畏多露虛名復何為感歎滋無斲

其八

高山何崔嵬竹生欽岩傍託身事君子恩愛結  
中腸自矜顏色姝紡織妙無雙杲杲扶桑日鷺  
鳧聲翱翔千里締婚姻嚴駕宜及晨佳期一以  
失儔匹苦無因愁思理琴瑟聲急鬱難申軫石

渺不移斑磷日以新軒車竟何止遠望企清塵  
亮君有明德賤妾復何陳

其九

嘉樹植中庭猗儺多竒姿雜糅衆草間採掇當  
及時爍爍寒風興餘芳自離披所思隔他鄉攬  
結不能貽引目感微涼耿耿不垂帷素心亮已  
獲怨別亦何為

其十

嘒嘒星初出熒熒天漢渚倬彼牛女星隔絕常

延佇綺縞紛已成愁苦編多緒盈盈復相見閔  
閔無可語機杼不為勞意滿焉能叙

其十一

夕風倏如頽驅車復安逝狐兔潛草間鷹隼遙  
相擊零落不甞停奄忽已終歲四時既有序浮  
沉安所稅堅強不努力憂思率已繫老醜寧自  
知百歲無多計嚴霜摧百草安得無凋弊幸有  
榮名存完驅守初志

其十二

朝出上東門暮還平樂里樓觀鬱迢迢銅鞮百  
餘尺濃雲何祁祁南山自猗靡遊觀意駘蕩車  
馬光旖旎置酒坐高堂羅列多竒詭作使邯鄲  
倡頽頽若桃李對客理朱絃迴巾粲皓齒濮上  
出新聲盜盤呈妙伎赴曲體僂僂衣奮若有恃  
沉吟響已終心結絲多視懸情不自整隔手神  
相委願為錦襜褕如攜復如企促中念夙懷滌  
蕩從此始

其十三

駕車遠行遊言至北邙前四顧悲風興樹木紛  
如烟道傍何累累云是墓與阡不知何年代鬼  
魄守黃泉人生無可恃老至不能遷陰陽自流  
轉川壑澹無停何況身與軀倏忽若朝榮神仙  
有妙術艱苦不能成千秋如掣電役役徒勞生  
不如飲美酒絃歌召友朋無為苦愁思心曲自  
怔營

其十四

戚戚出西門黃沙自皓皓墟墓無人民藪雜生

蘇東坡集 卷之八  
茂草蒙楚露如濡蔓滋鬱相抱去去復何言誰  
能期壽考相遠自言踈相親自言好回風鬱中  
達遊子悲遠道顧瞻雙飛鴈懷歸當急早

其十五

生年匪云久宛宛常若寄如何日局促終朝不  
遑息居諸更弦望良時諒非易百年適須臾歡  
樂常無及駘蕩詎幾時少壯杳如遺積慮忽自  
知己與衰老值鼓瑟復調鍾放懷聊自肆安能  
學神仙寂寞多所冀

其十六

六駭自凋榮寒風滿中閨俛仰歲云終遊子不  
遑歸沐髮不堪鬢芳澤何所依思多魂夢積去  
住自倭遲欽欽奉居寢恩愛率相隨玉顏何繚  
紹盈眄復迷離形影怛無端笑語惴難知文錦  
藉匡牀心目媚空闈何能乘風颭馳騁見容儀  
百念竟何因徃跡苦無移媿將躑躅意竚結不  
能詒

其十七



攬衣下堦庭朔風正坎壈愁積日夕更覲閔心  
耿耿嚙嚙北辰星所挹誰能省客從遠方來饋  
我一端錦其中有書札殷勤何獨甚問我常相  
思勉我愛光景不惜裂機杼携持籍居寢丹青  
苟不渝寸心緬為幸

其十八

客從遠方來遺我貂襜褕隔別萬餘里契濶情  
不踈拂拭生輝光用以副中襦毛羽當心胷克  
然澤有餘連從自不釋膠漆當不如

其十九

庭帷何穆穆明月吐清光愁思鬱難明徙倚以  
彷徨去家萬餘里沈憂著中腸春鳥鳴嚶嚶翔  
飛返故鄉滯淫樂事少憂來輒難量左右寂無  
人悲思安可忘幽憂不自守涕下霑衣裳

擬上山采薜蘿

陰陰秋氣至薜蘿滿江濱采之不憚遠岐路逢  
故人故人隔別久長跪逆前塵敬問平安不貌  
秀氣何馴聞君受新室媵媵美無倫末陋詎云

並逐放詎言嗔惟望新人好故人情自親烹煎  
日以調紡績日以新俛仰淚橫流霑濕紅羅巾  
紅羅多縮縫往事感無因歡因顏色重怒自決  
絕頻多謝丈夫意恣情常苦辛

擬橘柚垂華實

橘柚生南國菁華紛且茂剌棘奉豐姿竒實日  
夜就自羨饒佳味株連植君圃眄睐何足承猶  
堪備俎豆蕪靡百草中沫蔽紛多疚何當垂魯  
睨芬芳甘自守

前述懷詩二十六首

人生天地間百年焉可保富貴豈有常貧賤空  
美好憂思日煩滋纏綿以就老朗朗版屋中鳴  
琴寫孤抱淒苦北風篇歌罷為枯槁

其二

山川含垢穢貧賤積相侵佳人邈江海對此楓  
樹陰所懷多繁難焉有達者心生平慕仙侶何  
若肆荒淫貨財千載是舉世自浮沉可憐蕙草  
質化作荆棘林

其三

忼慨遊上國，遨遊何奕蔚。  
結束炳華丹，蘭纓飾朱蒂。  
輕車懷遠道，路難不知畏。  
明珠出海隅，飄搖至涇渭。  
出處詎有常，徘徊自歔歎。  
誰從楚人賤，不作明珠貴。  
日月漫相望，迢迢任所墜。

其四

輕風翻床帷，孤琴鳴清響。  
泠泠復淒淒，殷鬱結心想。  
幽音忽中變，失意還蕭爽。  
依依高鳥下，忘機將與賞。

其五

悠悠良馬鳴，棧之長楸邊。  
鐵色日夕衰，當知所報偏。  
俯仰緬無窮，奮思重連蜷。  
朱鬣闇無光，緹幕空復然。  
渥洼何足矜，誰能時着鞭。  
悲哉勿更道，淚下如流泉。

其六

庭前叢百草，芬芳實堂宇。  
結情自勞勞，委形何魚主。  
晝夜事斌媚，物情難逆覩。  
歲暮玉衡移，颯颯風霜苦。  
端坐耻寒蟬，行野鄙兕虎。  
茫然昧所

歸靜思時自怒徒倚更何言努力從終古

其七

吾聞有麗娟絕代難再逢綽約復清都面首雙  
芙蓉嫣然自閉藏情愴意翻穠輕盈撒輕裾翩  
翩如游龍一朝在君側旦夕常相從才美何足  
言祿命若為容秉籥出壽宮被服何憧憧願言  
媚明主心苦自慙慙

其八

悠悠念九州願言事遠遊拘牽簿領間慨歌如

有求古道邈難尋悲風吹故丘空聞黃金臺遺  
跡至今留躑躅含冤思輾轉望道周前賢遙相  
希耳目誰與謀雞鳴感君子伐木懷好仇願以  
尺寸珍自比荆山璆

其九

爰居海上來栖處無人識物性本自殊擾溺徒  
勞瘁寒霜凋百草鳥獸常磨至素心不易求誰  
肯安同異噉噉巖栖者沉淪徒自棄

其十

昭明在往古愚者自為訾愉愉禋其身福祿自  
如茨悠悠望旻天照臨何所遺旻天既有明匪  
人亦有思無伐藤蘿樹纏綿易為枝無飲盜泉  
水污濁易為緇南風吹落日浮雲出崦嵫小人  
務柔協君子慕委蛇鬱結自多端請君察所疑

其十一

飛花落空庭菲菲自連綴有懷不敢陳獨坐常  
慄悞天地如張弓盈虛多所制綿綿瓜瓞生日  
夜相拘繫棲遲復偃蹇任意何宛宛匪璞不自  
藏匪席不自卷同心寡所諧倏忽年歲晚行樂  
無復疑奚為事憂懣

其十二

梅伯有顯戮夷齊餓西山四海一何寥三子胡  
自艱當時尚歎羨何況千載間世事難豫謀天  
命若有慳哲士不自知商民迺獨頑萋斐銷聲  
名忠義難與攀誦言思大雅不覺淚潺湲

其十三

秋聲日繚戾繁聽傷人心中情苦自多永夜思

轉侵茫茫九州迹弱志罕所任寸心如亂絲悲  
端邈難尋朝陽沒山靈微風何構慘坐對盈尊  
酒泣下霑衣襟

其十四

辟邪連屋下秋風感我思嗟煩復坎壈傷心及  
此時攬衣出戶庭睹物還自嗤金翠闇無光鉛  
華寧足施翩翩雙飛禽結巢在高枝齎身若已  
固不悟隨風移根蒂何足恃枝葉空歲蕤芘蔭  
既不獲光華亦何為

其十五

行行采芝草深山肆魚景恣彼清泉涘悟言羞  
自省徘徊還四顧躑躅靡所騁欲進恒見抑欲  
遲還多阻微軀若蟬翼俛仰隨所舉仰視鳥雙  
翔俯觀獸並馳心搖如懸旌悲來不自知嘯歌  
非有於世俗莫相疑

其十六

瑤草製我裾幽蘭飾我佩芬芳不自持蔭映滋  
多美盛年忽已遠此物何足恃積美還自銷誰

能保終始慷慨多古懷  
黽勉嗟難鼓

其十七

宛宛雙鳳皇應期自來儀  
振翮閭闔間嗷嗷鳴  
中逵遺響有餘音律呂允相資  
琅玕何足惜飲啄寧見疑

其十八

桑扈鳴北林哀猿嘯西山  
凋悴與光華咄嗟俛仰間  
歲舟雖已深遷徙不復還  
何如飲美酒怡悅開容顏  
仙人不易遇戚戚徒自艱

其十九

少年有雅志耻與衆人同  
束脩緬多違馳驅勉微躬  
所遇輒蹉跎下流常蔽蒙  
淪棄不自謀遐思古人風  
沐芳塞華英齋心以冲融  
形體雖塊居游神青雲中  
一氣御清澄安處順鴻濛  
何能逐塵壒局促以待終

其二十

耿耿多所懷况忽竟何是  
遑遑若有求凄其還自止  
款言對樽酒百慮咸已弛  
素飡寧復慙喟

然思耒耜登高而望遠幽懷紛可喜物芳感人  
心不覺還撫髀車轄不自移長轂胡足恃信非  
金石固努力嗟予美

其二十一

古人有鮑叔交誼重千金一身既下世齊相為  
嗟吟高門與縣薄情好非不深胡然貧賤交高  
風垂至今肝膽一以揆胸臆寧足任飲食思杖  
杜求友感鳴禽貴賤何足言悠悠多所欽

其二十二

鴛鴦一何綺羅列滿前楹毛羽翠且鮮  
噉噉競和鳴繽紛真可悅鸞鳳徒虛名  
戢翼戀儔侶俯身喙浮萍弄影東西廂  
氈毼態自生咨嗟還復羨此意為誰明

其二十三

庭下生芳草隨風日夜蕃容與感中情  
殷殷憂思煩嘗聞古要離奮身甘喪元  
戮龍不徒嗤妻子且燒焚哲人慮萬變  
游俠重一言貧窮激意氣孤憤還自吞  
寸陰比珪璧誰能識璵璠攬芳



再三歎知命更何論

其二十四

春華發桃李灼灼有竒姿  
鮮曜開翠條照映植堦墀  
只恐一朝隕摧殘不自持  
情滋故條蔓心悲溝渠時  
持此謝世人行樂不須疑

其二十五

蘼蕪生路岐馨香滿空谷  
采之遺遠人鬱陶感心曲  
人生天地間煩憂多所辱  
駘蕩自可娛何為重拘束  
黽勉樗櫟才遐心自金玉  
回措每居卑安能策高足  
願從夙所懷乘時以自勗

其二十六

勉勉平生志思情重典墳  
渥飾何足竒所好徒紛紜  
鸞皇戢其羽孔翠自離羣  
千秋萬世後榮名寧復聞  
誰為獲麟者空自感遺文

薊丘集卷之八

薊丘集卷之九

五言古詩五十一首

讀抱朴子

悠悠瞻白日流光不暫停寒霜夕自起白雪被  
堦庭空巷少人居衰草掩郊垆願言思古昔晤  
歎慕仙靈誰為不死者玄契在遺經抱朴有顓  
志勗言何丁寧斥鷃安足語鵬逝在南溟

其二

瑤房何綿亘佳宴思續紛安得生羽翰白日凌

青雲饗我百花醴祇奉青童君駮鸞駕駕馭永  
辭流俗羣

其三

名山自突奧遠探多艱虞何用自營糗所願玉  
神符三陽有芳液五石成輶轡奮翬徒深壑虎  
豹當路伏毒蜃消其氛魑魅遠自徂山川有靈  
氣何為守一隅

其四

崑崙在何許迢迢凌青天五河出山隅玉樹自

鉤懸琅玕縱橫生蕊李體常堅迷昌暨吉光鳴  
嘯飲神泉冲漠若無為悠悠秉化權一被班龍  
謫天路自迤邐

其五

五芝不可值靈草空芬芳瑰形顧一見杳眇涉  
難詳島嶼饒竒石仰綴若琳琅或丹如珊瑚或  
白如截肪澤漆及翠羽五色耀輝光樊桃歲莖  
花危實若鸞皇安得采折歸小餌奉高堂良遇  
難自期遐哉沛難忘

其六

離離簷下菊峨峨山中松清芬與勁節芳意若  
相從甘谷有神瀆華山養晷容舉世翫其華誰  
能追厥蹤

其七

舉俗慕紛華營營自馳騫學道事神仙多為名  
所誤張生置鮑魚餅餌出老嫗耳目一以訛萬  
衆如響赴柱史德猶龍隱顯誰能寤大禹金簡  
書素王達其趣勤求良可通所遇猶朝暮蔚彼

鄧林枝小材何樸遼

其八

參差葍菜葉倏忽化華蟲熠燿明庶場迺生腐  
草中吁嗟萬物體衆靈備吾躬一為薪火喻萬  
感集于衷少壯能幾時倏忽成老翁鶴金真可  
陋麟角自難逢

其九

仙人處山澤神爽貌何癯鶩腹玉粘漿飲啄祇  
區區一朝凌虛空鸞鳳控天衢二山既不遠芳

華布四隅朱翎及百葉猶為滯末塗

其十

孔翠有藻彩明珠多夜光體質一以殊心哉跡  
自彰念彼機栲中舉世所倘佯鶴列朝夕俱譬  
若涉羊腸鼎成黃帝逝所戀豈嬪嬙蹄涔無巨  
鱗瑕疵棄珪璋情愛既如此惜哉多危防彭祖  
有遺經天老教軒皇枋榆得多筭努力探微茫

後述懷詩二十一首

陰陰南山陽草木清且沉春氣浩無方駘蕩苦  
人心俯視堦除間纖條忽成林草蟲變氣候羣  
飛哢清音永懷誰能寤觀閔自沉吟憂來一以  
蔽寂寞反難任引眄邈無方起坐擁衾衾陽春  
與綠水千載冀相尋

其二

明明闇闇間曖曖丹鳳翼君門本九重何當望  
顏色弱冠登天朝慷慨任胷臆耻以大官庖坐  
享代稼穡緯繡不堪陳沉吟復尋默流水一何  
清朱絃一何直不知君子心秉意何南北申椒

以充帷瑤鬕以為飾所好詎有常願君各努力  
其三

挺挺山上松下有叢著條纏綿各相抱結根非  
一朝長卿宦自薄子雲世所嘲哆彼南箕星歲  
暮指玄枵虛名竟何裨無乃使心勞蘭芳既蔽  
晦誰能恤寂寥

其四

其四

滔滔泉初生粼粼冰始泮嘯歌念古人俯仰成  
愁歎貴賤本無方乘時若有判草木滿中唐昔

翮巢其岬本欲慕崇高迺為耳目翫匪車亦匪  
風顧望自慙慙釜鬻何足恃世事亮難同薜蘿  
生屋間馨香本在中勿為迹所拘願言思厥終  
其五

餘懷嘗自賤杳杳無多緒言從薄宦遊嶮落終  
楚楚首春饒霽景俛仰瞻天宇油油泄雲生凜  
凜陰風舉平川帶脩途清潞馳南浦侍從金馬  
門羞言事明主壯心屢自蘊局促傷儔侶猶有  
北山蘿菁蕤待吾取

其六

許由笑堯舜尚父隱渭川  
隱顯雖區踈宿心諒  
同然玉璜世共羨一旦在  
滋泉遺風千載慕何  
代無此賢美者雖甚美  
得之然後嫉惡者雖甚  
惡失之在棄捐詎以牛  
涔步自謂南冥遷

其七

芄蘭何狎獵含英復揚  
旌我欲采遺芳以贈我  
所私鴛鴦振毛羽跼立  
復連栖長鳴欲何求餘  
音真可悲志士多苦心  
所願常有違我有雙襟  
佩晶熒若瓊瑰不敢自  
沉淪非時欲與誰請為  
孤鳳歌與世共追隨

其八

夏日何炎燠芳華空自  
蕃獨自軫中情泣涕不  
能言所思隔天涯優遊  
安可忘庭樹積清陰噉  
噉孤鴻翔援琴以紓憂  
鬱結感官商縹緲寡成  
功心傷輒難量願假晨  
風翼奮飛以倘佯

其九

丘壑浮雲起悠悠滿中  
衢以我積思勞瞻顧自

跼蹐鬱述隨飄風悲涼感四隅生世亮自知微  
志祇斯須誰能不懷歸筑獨守空廬迢迢念晨  
風綏綏羨豐狐悽其歲已暮真自戀衣襦

其十

纂纂棗樹枝實落空園中傷此陰雨時永懷邈  
難同燁燁震電作殷殷復何憑相念忽盈眦循  
衿媿微躬劒噐竟何利組績徒為工鬱彼冷風  
至嚶嚶鳴草蟲緬思我所懷道遠苦終窮

其十一

繩繩衆鳥飛翱翔翠冒積職思多曠懷慨歎臨  
前隧高樓起天中棟宇卑無地溝水貫其中駛  
如竹箭利中有雙鷁鴛鳴聲蔚且清子為天子  
使父掌羽林兵恬憺寡交游簡靜少逢迎浣衣  
慕古人色養不求名終朝列樽酒稱觴歌太平

其十二

瑟彼琳瑯質襍佩嗟予美永懷本無情何恤他  
人指伐鼓向東序淵淵聞中逵嗟彼蟋蟀鳴三  
秋忽如遺山澗既可軸栖遲復何為燕中多豪



貴車馬日追隨金錯寄同心思緒亂如絲仰瞻  
昂與參嚮晨西南移霧露霖沐間鸛鳴長苦悲  
舊好尚睽乖新知詎有宜勉力還行樂勿復苦  
相思

其十三

蜻蛚橫天飛蘋藻忽已生胡為春氣滋萬物各  
光榮遙跋自含悲愁續易縱橫達者難為懷豁  
爾多所輕言念几席間恨恨不容聲南山有美  
草非時更青青松栢有本性扶踈若為情寄語  
後世人無為事虛名

其十四

搏搏鯨蚕絲春生夏還結纖纖李女手回回機  
杼綴潤澤復縱橫繽紛更皎潔物力詎有常誰  
能守踈拙南山自知高海水自知絕末俗難為  
懷少成自無缺悟言各努力何事虛成說

其十五

霖雨連朝夕濃雲何浩浩四壁坐青苔園中多  
輿草中心不自期幽憂積懷抱清池出蒲荷芬

貴車馬日追隨金錯寄同心思緒亂如絲仰瞻  
昂與參嚮晨西南移霧露霖沐間鶴鳴長苦悲  
舊好尚睽乖新知詎有宜勉力還行樂勿復苦  
相思

其十三

蜻蛚橫天飛蘋藻忽已生胡為春氣滋萬物各  
光榮遙跋自含悲愁續易縱橫達者難為懷豁  
爾多所輕言念几席間恨恨不容聲南山有美  
草非時更青青松栢有本性扶踈若為情寄語  
後世人無為事虛名

其十四

搏搏鯨蚕絲春生夏還結纖纖李女手回回機  
杼綴潤澤復縱橫繽紛更皎潔物力詎有常誰  
能守踈拙南山自知高海水自知絕末俗難為  
懷少成自無缺悟言各努力何事虛成說

其十五

霖雨連朝夕濃雲何浩浩四壁坐青苔園中多  
輿草中心不自期幽憂積懷抱清池出蒲荷芬

敷自美好當此謹弱姿佳麗誰能保鬱鬱感雞  
鳴知時以為寶

其十六

采彼女蘿枝引蔓何靡靡徘徊田野間凝望如  
有歧悲風吹斷蓬去去無所止倏忽已百年少  
壯寧堪恃沉思損性靈金石能無毀苞稂浸下  
泉寤寐懷桑梓情多忘渴饑簪短帶彌褫悲彼  
幽蘭花零落從茲始

其十七

中夜起自歎明月何凜凜殘霜日夜零憂人不  
能寢焚魚復酌醴悠悠獨自飲既醉不復知為  
歡偏獨甚良友時見過荒淫苦相諭攬衣起謝  
客此意君不審努力啜其醪相期共衾枕

其十八

萋斐山下草羅生何粼粼悠悠常獨居寸心誰  
與論謬以廁陋資策名稱朝臣積習難復遷何  
况遭孤貧一旦罄所懷慄慄嗟此身怖鴿明物  
化甘蔗開宿因皈依如可託解組從斯人

敷自美好當此謹弱姿佳麗誰能保鬱鬱感雞  
鳴知時以為寶

其十六

采彼女蘿枝引蔓何靡靡徘徊田野間凝望如  
有歧悲風吹斷蓬去去無所止倏忽已百年少  
壯寧堪恃沉思損性靈金石能無毀苞稂浸下  
泉寤寐懷桑梓情多忘渴饑簪短帶彌褫悲彼  
幽蘭花零落從茲始

其十七

中夜起自歎明月何凜凜殘霜日夜零憂人不  
能寢焚魚復酌醴悠悠獨自飲既醉不復知為  
歡偏獨甚良友時見過荒淫苦相諗攬衣起謝  
客此意君不審努力啜其醪相期共衾枕

其十八

萋斐山下草羅生何粼粼悠悠常獨居寸心誰  
與論謬以廁陋資策名稱朝臣積習難復遷何  
况遭孤貧一旦罄所懷慄慄嗟此身怖鴿明物  
化甘蔗開宿因皈依如可託解組從斯人

其十九

涓涓微芳積蒸雲自微暖衣袷歛新涼惆悵還  
悽慨寒花時自落青山黯相對不自念所懷思  
多慮有悔中原剪新韭糯芳出鼎藉藉手獻庭  
闈珍旨紛多愛匪言醉飽情感念寸心內躡躡  
駑鈍才和媚嬰孺態于以代吾親淒然自寤愼

其二十

蘅杜滿庭除馨香蔽柴關隱几無所為夢然見  
西山舒紅復爍翠飛鳥時往還強自翫詩書會  
心時解顏閑與拙相成中情還自慳明哲何足  
依大雅亦多艱飲酒日栖遲聊復得我閑

其二十一

絃歌林壑間歲身居末仕才美固無多雅情諒  
如是朝夕自脩身觚稜恐露已清濟向東流濁  
漳何足齒嗤彼抱璞者紛緼不知止

雜興詩

懸情抑已久世態憐將倦不諳來日難翻傷素  
心變朗月照空房襟芳散如霰默默擁孤衾詎

為羞貧賤

其二

滔滔江漢永跋想古人心清音既浩倡哀怨故  
難任寒風吹鷓鴣時至發悲吟卜居自高尚雲  
雨徒荒淫念彼嬋媛者千秋同所欽

其三

春榮良可翫極眺還籬靡峨峨千株松下有東  
流水陋體宜丘壑夙好耽文史牙生妙高音卜  
氏擅知己不念隱霧深寧知櫝中毀悠悠絕良

期寄語迷方子

其四

馬援真壯士志在死高勲不嗟異域苦翻羞兒  
女仁何知好生者婉婉全其身為生既已重慷  
慨何足云

其五

爭食雞鵠羣徒為鴻鵠悲棄繻慨竒士至今有  
遐思絃歌復擊劔俠氣矜一時功名不足言白  
日逝不追驅馬三河間道遠無所資拂衣還自

歎空為人所嗤

其六

湯湯大江流波濤不可回江樹發秋芳聲響清  
且哀濯纓自狂歌起登古昔臺攬木矯雲霓爛  
然翠微開傍有采蘭女咨嗟不能裁渡河誠可  
戒自信復誰猜

其七

汎汎西河水其上有高樓晴日照芙蓉鴛鴦爭  
來游匹配一何多盤桓水中洲張吻食魚鱉垂  
翅蔽清流羣鳥不得浴兩岸爭啾啾

其八

萋萋山中樹有蘿蔓其間人生天地間譬若桃  
李顏容色不厭好枝條不厭攀一朝東風吹零  
落起長歎念此自嗟咨行行掇幽蘭

其九

明明上天月冉冉中河流晝夜常相競去去不  
可留青楓感霜氣蟋蟀鳴清秋太康何足慮唯  
願早行游

其十

季路負米歸不自恤艱辛一朝事孔聖好勇何足論祿仕每嗟咨所戀在二親始知盡志者碌碌不徒貧

其十一

白露濯庭樹悲風吹平原獨坐復何思惆悵感國恩昨夜軍書至戈甲下轅門倭虜寇海上匈奴犯塞垣世業本鉛刀彈冠陪武臣隨風振長嘯意氣凌秋旻彎弓箠浮雲舉旗揚涉塵雖非

國士才顧盼無斯人微功倘可取軀命何足論

其十二

荆棘生門前縱橫長數尺寂寥何足歎濁酒聊自適遠望令人悲懷才復何益豈不願榮達追攀亮不易瑟瑟山中風蘄蘄水中石濶達自可懽慷慨慕古昔本非英雄儔枯槁在草澤

其十三

少年不曉事頗自愛幽竒憧憧多苦懷仙靈難與期綠圖不可得黃金不可為遐想穆天子誰



能睹瑶池八駿本龍種王膏實神芝何為騁逸  
駕阻絕為徐逸

其十四

嗟余負昭質竒獨寡所同幽藪以忘憂守拙迷  
天聰世人恒見笑鬱鬱忘所從不謂拙已極勞  
心自嫌工佳嫖憎華丹箔輅惡良弓才短術難  
施理弱媒不通吟詠安性情不覺成彫虫倚劔  
還自慙拂衣歸山中屢勉省積愆或可安困窮

其十五

家本幽薊兒兼且四壁貧雖有衿上衣碎繒若  
懸鶉慷慨輕身軀志若無千春嗜好名山薦  
志尋幽真松菊為我糧赤箭及仁頻土英積靈  
氣厭飫自生神佩劍若鉛刀變化寔難陳織柯  
中猿鳥深水矢游麟熠燿日月光温蠖箴諸身  
一朝厭幽寂混迹在埃塵羞為廊廟者願作尋  
常人

其十六

步出上東門徒倚時回首道逢三女子粲粲相

鵠手容顏甚姝麗佩服好組綬一女不見遺目  
精遙相授一女難自陳傳言託保母一女含愠  
起掩面閉戶牖借問此三女若箇堪為婦香蘭  
愛本根孔翠思厥偶抑志蚤還歸徐思慎所取  
其十七  
靈雨濕林木清風飄空閨君子慨竒節終日向  
幽栖風為猛虎鳴女為悅已妻意氣感胡越肝  
膽互相睽年短心苦長百憂常自齎哲躅不敢  
程信心豈非迷瑤草不自植終然託污泥

其十八

我有昆吾劍光彩常隱隱鋒鏑若芙蓉精爽不  
可近茗華不見試肇囊深自韞異物易沉淪吁  
嗟發孤憤

其十九

伯牙操號鍾幸逢鍾子期當其得意際不在撫  
絃時枯木微黃金窈眇信難知柰何逐俗者噉  
噉徒自欺

其二十

長嘯古城隅高才自淪棄帶索日優游行吟漸  
憔悴麟鬪日月蝕石鞭風雨至丈夫常觀閔安  
知天地意百世杳難期顧盼人事易非有擔儲  
資徒與英雄市坎壈念所思河清亮難俟誦言  
白駒篇去去何所止

薊丘集卷之九終

薊丘集卷之十

五言古詩四十五首

祠司農詩有序

祠司農詩戴星詞有明布衣王伯俞作也  
歲在丙子其王母不得于其姑深以自傷  
而作是詩

晨游芳樹林暮宿太古祠諭諭數十人俎豆欲  
何為醪酒清以旨牛羊孳以肥澗松積衆翠望  
之色菲菲翩翩二童子謂我奚不違褰帷訴所

裏其詞甚惆悵靈脩曰有錫使此百物暢諧彼  
鄉閭心愜我豐年望縷繾復丁寧祝宗不知倦  
但憶神來歆豈悟中情變靈雨何蕭蕭浙灑滿  
九垓叫天天無穀祈靈靈不來恐懼憂不虔稽  
顙以求哀靈作切雲冠復作覆水杯精氛何宕  
蕩化作虹霓回虹霓自舒爍屈伸天宇廓朝為  
萬國雲日暮雪還作咨嗟復怛惋誰與惜農時  
星言聚父老各各自傷悲百穀不可糞五穀寧  
有遺自痛寡精意冥冥欲語誰

戴星詞

新霜何凜凜餘星亦爛爛散髮下君堂此別何  
由見褰衣出中門晨風滿隴首輾轉已頽頽勞  
心復何有俯身見蕙草摘取挿瑤簪恍忽感馨  
香耿耿但在心窈窕離城積霏霏雨滿衣願作  
君家婦悠悠不可幾織紵蚕已老漚麻水還竭  
積苦更何言寸心自成結

其二

朝發蕙草幄夕宿江蘺下不惜雙玉佩遺棄在

中野瓊玖非不愛，俱醜詎堪收。獨行採晨寒，龜  
手淚常流。夙昔為君婦，華落恒自憂。覆車來相  
尋，痛哉愛弗周。汲水清淺溪，水濕羅裳帶。君心  
如可回，朱顏安得再。拭淚飾吾衣，丹衷已有歸。  
更將酬死者，感歎三春暉。

其三

商風飄空林，餘聲連板屋。身將黃鵠翔，兀兀孤  
房哭。白雲粲英英，凜烈乍飛霜。從容攬玉鏡，婉  
轉飾羅裳。猶恐幼子寒，擁絮覆筐牀。手將蘭燭  
滅，垂淚謝空房。好人何燕燕，詒我哀苦途。溯洄  
別故里，此去適何都。怨耦何敢留，逐放不須臾。  
去我君心安，留滯非良圖。寥濶萬迴岐，覲之悲  
嗚嗚。生存未可卜，何以報君夫。

秋日書懷

歲脩薦遐志，蕭索門常閉。年歲日驅馳，甘心守  
寂蔑。秋風西南至，高天自皎潔。婆婆謝世務，中  
情常怡悅。晨雲滿蘭房，虛簷積松雪。臥聽羣鳥  
鳴啾啾，每不絕雅志。亮難求常歎，無成說惆悵。

望高原懷古心靡輟

其二

飄搖數株柳每自比淵明芳行何足揚寥寥惜  
此生強自對醞醕偃息在南榮凜秋非所歎哲  
人憂常盈孤清難自立媿影因獨行海濶神龍  
隱風起猛虎鳴循衿還自慰長嘯正含情

其三

空山謝人迹秋日動歸心朔風飄塞鴈衆翠惣  
高林每以孤介懷興言在蕭森當此肅秋候寥  
悵寔難任悵然與物辭放意逐浮沉淒切雙鸞  
操悲歌采薇吟晤言者誰子歎息自彌襟

其四

華露化為霜哲士抱不凋獨處衰林中思情正  
寂寥跬步出空山隱隱聞采樵有志靡所施誰  
能混市朝仰觀青天雲俯翫百尺條翠禽鳴嚶  
嚶女寒風鬱以飄

其五

皎月臨清壑貧士守一軒賦稟既已殊貴賤邈

難原天地委吾形，生死厥理煩。往哲固無悲，後生復何言。寒涼應秋節，物精漸沉淪。攬之再三歎，誰能問泰元。

其六

雷聲震城隅，靈雨潤高丘。好鳥巢虛簷，和鳴良未休。隕籜隨朔風，撼撼使人愁。楚人自抱璞，好者恒見求。砒砒誠足耻，席珍非所憂。秋霖兆豐年，誰云澤不周。涼飈動遐思，屢勉登高樓。樓高日云晏，迢迢望河漢。欲渡自無梁，臨風還晤歎。積美不自明，敘意於濡翰。鼓角起中庭，不覺夜將旦。自古有潛夫，擗散何足算。

其七

明月升我堂，微風動庭槐。清露灑寒空，下有遠鳥來。幽好不自信，中情鬱徘徊。失意安拙謀，繁思蔽長才。方枘遇圓鑿，時命謬所裁。誰為薪火喻，歎此不然灰。

其八

杪秋積陰雨，浸此百頃陂。寒流既浩浩，榮木漸

凋萎庭前多灌莽風吹慘且悲生平慕竒好雅  
志在文辭壯與賤相守貧與拙相隨高價信所  
羨潛輝苦自知誰明尺寸長鬱鬱以俟時仰觀  
林中月初出如鈎微虛中歛衆芳終日增光輝  
盍旦知天曙海鷗識忘機盈虛本常理歎息知  
者希

其九

列子御雲氣莊周論養生步兵嘯蘇門宛若響  
應聲四君俱有握澹漠含至精古道不易識默

默感深情

其十

深山已逃世潦倒慰寸心寒芳以為薪飲泉不  
憚深有時招近局相與共登臨陶然數杯酒夕  
日下高林

新星詩二首

新星出西南餘光何粲爛沓拖二丈餘觀者皆  
驚歎嘗聞德消邪豈謂災可翫父老聚城隅推  
步還嗟惋幽憂動遐思不覺中情亂峨峨松風



鳴嘹嘹鴈聲散閑居荷聖明煩迂世所慢寄語  
遊仙人憶爾腸堪斷

其二

囂囂人語煩咸傍寒松下草樹為枯枝妖星色  
如赭司星向我言布新舊當捨聞此大驚疑所  
言或虛假牽裾作悲啼我本乳獨者治亂如相  
尋謀生信已寡哀風吹苞蕭愁雲滿四野聊作  
氛祲歌還歸樹梧櫛

十月五日雪二首

亭臯白雪下寒光滿虛牖睡起焚青蘭盈盈照  
左右鹿跡滿平蕪犬吠聞幽藪敞幕望空山沉  
澹迷宿莽嘹唳鵬鶚聲秀峙土囊口披褐上高  
堂散帙嘯几首歎與時好違幽閒堪自守高樹  
落餘霜殘菊參杯酒笑謝巢居鳥與爾忘機久

其二

積雪連朝夕同雲滿長安四望絕煙火高樹澹  
輕寒任誕自蕭條散髮倚危欄冒雪采新茶群  
鹿隱山巖冷翠無留影芸黃共團藥歸來還自

失咄咄自嗟歎遠望濕高鳥獨坐焚青蘭不眠  
想古昔此心同曠觀閉門何足道  
勉自加餐  
飲王大精舍  
清霜灑城闔明月照脩塗石友愛秋日高會共  
歡娛華堂列樽酒陳設悉氈毼美人長且姣奉  
持雙玉壺新聲變南國六博効西湖倡和激楚  
辭橫梁呼嗚嗚中曲含清商令德有遺模感懷  
多奮思避席共嗟吁願言崇古昔  
勉勵良圖

曉出西門示友

披褐出西門春星照板屋總轡臨清沚  
漸瀝來寒瀑朝蔦被露華明月隱青麓  
為謀既不遐物芳良可逐之子動我歎  
清脩苦幽獨

離懷二首

己卯歲作

濃霧積春陰浩蕩連千里孤悵寡所懷惆悵何  
能已風雨日蕭蕭晦冥不可視晨雞感中愫緼  
結懷予美中原有蒙楚南山有葛藟滋蔓不盈  
條榮華竟何似願言託飄風輪焚不可恃循衿  
整巾帶寤寐思所止

其二

余服芰荷衣子何須佩觿努力誓相愛形迹何  
足疑遺子以握椒緼以雙玉鈎珍重復珍重馨  
香從此留遺子青玉案副以雙瓊弁珍重復珍  
重綺情從此見遺子雙栢樹種根西階下歸來  
不糞除顏色無虛假

贈吳布衣宜僕二首

庚辰歲作

振衣上東門秋風拂地悲行行眺中原浮雲倏  
如頽嗟余有壯懷違俗每自疑歡言樽酒間樂  
哉新相知之子椽棟材顧盼寔恢竒羨子不可  
跂當風沂清姿幸茲陽澤積努力共明時

其二

鴛鴦真綺鳥獨處常幽晦容華若桃李步趾遺  
光采自信羽毛竒翩翩恒見愛中林不自苦終  
然保和晬春日饒美草三縑結為佩遙瞻天宇  
清永往甘淪廢南金世所珍塵泥庸自穢賤子  
無遠猷誦言空寤慨

送家舅

舅隨內史  
勾當畿南

貴臣擁玉節晨裝戒南征夾車樹大旗千騎逐  
羣鳴副車載白鶻飛輪列五兵燦爛罽綺羅嘈  
襍喧簫笙綴車垂屠蘇瓊瑤飾游纓左右焚名  
香迷迭及萼葭玉鮎剪為藉沈檀煎粘錫十里  
聞馨香百里避茅旌借問何所事訪道向南荆  
駢脅夾車趨市魁半隨行鴟張甚可畏鞭箠寔  
所輕舅氏本明德驅使非其情污瀆既同流深  
源寧獨清願言夙所懷無為負生平共轂多仄  
路善鳴應繕生言在區蓋間緘默以為榮把袂

更咨嗟望望淚還傾

往山館留別家人

遠懷能苦顏世情無智愚天運何悠悠仰視空  
嗟吁棧樸信周文渭川起釣魚何以永斯懷且  
復誦詩書含情去家室寂寞歸山墟途窮饒香  
草縱體當白駒優游誠足羨不必恨凋枯

病居雨雪

悠悠玄夜永北風正晦冥飛雪入窓櫺明燈照  
空庭長愁不自寬抱病詐還寧顯氣盪層霄蕭

條感性靈寒松戲白鶴晴雲澹翠屏遠視幽冀  
間山陵間青熒自嗟蠖屈志託迹在郊垆誰能  
問漁父鬱鬱獨為醒

贈呂逸人孟嘏

五陵壯秋氣青山鬱嵯峨握手燕市中慷慨共  
悲歌之子有奇畧達節慕冲和意氣輕蟬冕栖  
遲向藤蘿卜梁推才美隰朋媿雅志中林自埋  
照縱酒如有寄羞言魯連矢還比接輿狂著書  
耽歲月貧窮時絕糧牧豕兼採菖顏唐絕儔侶  
卜鄰幸有託開美無相距麟趾何柔眸鸞翻自  
翩躩片言重金石素好契蘭荃題輿還自失縣  
榻何容易追隨丘壑間執鞭信吾事

歲暮與舍弟飲酒作

坎壈歲將盡寒雲晝霏霏兄弟共邀歡置酒在  
庭闈弦歌復鼓缶音響妙相依新聲泛艷曲哀  
怨隨風飛宜言共酣宴兕觥為頻揮當此聖明  
世所懷緬無違渥飾美必彰靜定懼自肥駟馬  
雖云榮不如自來歸誦彼棠棣篇歎息知者希

送吳宜僕歸山中

吳生真竒士意氣自翩翩  
白晢婉清揚被服麗  
且鮮披髮日行吟寂寞還  
魚釣焦麥宿春糧擁  
絮栖雲嶠我來送君別河上  
正悲風龍性尚飛  
揚縱橫樽酒中玄鳥知天時  
鳴鶴翔秋穹霧雨  
藏玄豹風雲感非熊願君惜時日  
保身安固窮

重送宜僕

結交非不义  
虽勉共心知  
肝膽有深契  
非徒謬  
追隨寶棄寧  
見尤所嗟在  
明時銜悲岐  
路間忉  
怛從此辭  
斧斤何足惜  
恣手無所為  
不復留孤  
音誰能為  
子期陽春  
煦生物幽  
隱不得私  
珪璋  
信云美  
金玉展遐思

春日偶題

朝煙散平蕪晴虹隱空谷  
哀壑自流光微風起  
榮木鬱鬱難自陳  
率爾寫絲竹音響契人心  
變調何其速  
緩絃更沉吟  
幽憂副要腹  
浩歌飲美酒  
差能慰孤獨

立春日作

曙氣啓朝暎照我屋牖端明星出東方凜凜增  
春寒歲華不厭新少壯信所安雅頌日謳吟衡  
泌有餘歡良時忽自失來日何獨難草木各揚  
蕤零落還自殘盛時不努力悠悠何足歎

遣興

人生天地間譬若附木枝隨風任顛倒終身安  
可期春華及秋實榮悴何足悲閑行出郭門道  
上塚累累生存如可恃逝者復為誰貴賤同一  
坵千載不見知安得夸父力猛志躡朝曦嗟彼

禽尚者遨遊復何為

小寒食述懷

時家君護  
駕屯昌平

春祭桃遠支悵然思遠道清露被華林多愁積  
懷抱慈親久行役連宵阻水潦耳慚麀鹿敲目  
媿桐華早自念遠哲模跬步誰能好馳驅獨賢  
勞心傷怒如擣有美肅軍容迷瞻向蒼昊

禁中趨臺坡寓目

繁花照四隅華林積清樾春湖泛靈水仙穴澄  
天闕深洞生翠煙金莖映孤月壯勢既威紆曠

觀信超忽鳥獸感清和。鍾鼓凝飴醇。靈臺自孤  
峙。昆池更不竭。二珠分仙渚。水安窮髮臨流  
初。蔭暎移席益清發。戰鷁隨風舞。恩魚向波沒。  
藉草弄烟虹。停橈采薇蕨。嵐積龍虎文。日漾鼉  
鼉窟。崇儉陋雕墻。荒遊笑溟渤。歷朝簡宴豫。麗  
飾真自歇。蕭條靡蕪積。湫灑流澌汨。願言飲清  
波。于焉絕天伐。

聞笛

幽居偏寂寞。新月照河濱。誰家吹玉笛。巧自怨

青春和風送柳絮。颺颺逐菖蘋。懸情無處所。淑  
浦遲幽人。

里二泗作有東皇祠

檉桐發春華。藹藹照中圃。渺杳平湖濶。孤帆逗  
新雨。遠適非吾事。笨麴兼買芥。中流見古祠。松  
雲澹羣樹。遨遊既非意。誰能問賓主。舉酒酌芬  
芳。樹下還歌舞。雪消蕨初綠。蘋香魚正乳。但醉  
不須辭。此樂真堪取。促中如不信。請從問東父。  
山館中偶有玉簪一本聊詠有寄



他鄉見芳草鬱鬱不自持况此素質凝芬芳更  
離披異種非難植綺靡生園池謹弱負殊材皎  
潔有竒姿美人在幽獨羅綺驕良時露寒深自  
掩朝煙處處吹無為久疑想臨風一折枝

筍溪朝泛一首

清波初可涉擊汰向中流悲風千里起瞻望隔  
皇州雲霞冠西嶺山翠乍沉浮縱目若有適微  
茫自含愁嘯歌更懷古忽自歸山丘晴花隱仙  
梵松雪灑孤舟時有幽人訪還從樵牧遊河東

何足賦寂寞有誰求

石經山述懷

容容浮雲飛歟舉歸空谷惆悵野蕭條婉孌傷  
獨宿朝夕念父母懷哉遠骨肉惜此尺寸長甘  
心守窮獨回岐慙宿鳥臨觴悲旨蓄垂堂何足  
戒才羨羞自鬻秋水日東奔誰知出山濁古有  
蓼莪扁歌罷淚盈掬

後新星詩

生平少年日耽精向典墳頗闕方技術步物明

星文憶昔五歲前杖屨從父老曾見異星纏愴  
然話懷抱自是世事變刻數日蕭條五穀每大  
稔野火自焚燒今夕復何夕葦宇仍作妖熠燿  
如疋練輝赤如朝日芒角旋西東浸淫犯女室  
聖明方在宥天下正太平令行風靡草片言感  
天明殷宗見桑穀齊景懼鴉鳴小民無妄臆感  
格有深情

山中遣興

寒林自多露志士自苦愁總有杯酒歡縱意即  
千憂木闌與宿莽采掇為誰脩列星鬱初布河  
水皆寒沍山林心本蕩乘興安所住弁髮忽已  
長潛行窘高步不如諷詩書終焉託場圃

中夜偶題

蕭蕭中夜寒忽忽念所懽憂來輒填膺誰能善  
自寬擊柝清且哀孤燈昏復燿悵悵苦心人生  
芻束空廓鑿石自彫飾逐獸自趨側人生而窮  
愁反真以為則

英雄無一物孤憤有千憂披髮操酒卮聊且自  
行遊朝來向南山道上纔新雨縱馬不驚塵紛  
紜調白羽淺草落俊鶻短衣逐猛虎擊鮮良可  
悅傾尊共漁父借問何所能欲言更脩沮陽鱈  
自知薄蓼蟲自知苦林中差放意浮誇莫余侮  
誰言杞梓才漫向溝中取

薊丘集卷之十終

